

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: E Piti Toata i te Matahiti.

Nu. 9

Tetepa 1934

Mat. 28

“O te rave i te parau-ino, te rave ra ia oia i te reira
no'na iho; inaha hoi, e feia tiamâ outou; * Na'na i ho mai ia
outou i te ite i te maitai e te ino, e na'na i ho-mai-atoa-mai ia
outou ia maiti i te ora e te pohe,” Helamana 14:30, 31.

Iosepha F. Semita

O Iosepha F. Semita o te hoê tamaiti oia o Iosepha
F. Semita, Peretiteni no te Ekalesia mai te matahiti 1901 i te
matahiti 1918. Ua fanau mai Iosepha tamaiti i Roto Miti Uta-
ha e ua haere oia i te mau haapii raa o te fenua, e na roto i
to'na itoitoe e to'na imi raa i te mau mea maitai, ua noaa
mai ia'na te ite e te paari e te roo maitai i te mau vahi atoa.

I te apî raa o teie tamaiti, ua tia i oia i te mau puaato
ro a to'na metua, e ua rave atoa oia i te ohipa i nia i te faa-
apu maa, e na roto i tereira ua ite oia i te faaoromai e te tia-
turi e te raveraa i te ohipa rohirohi.

I te matahiti 1898 ua faaipoipo oia ia Louse E. Shurtliff
e ua fanau mai ia raua e too piti tamahine e i te matahiti

1908 ua pohe teie vahine, e i muri mai ua faaipoipo faahou o Iosepha ia Ethel J. Reynolds e ua fanau mai ia raua e too pae tamarii tamaroa e e too maha tamarii tamahine.

I te 23 no to'na matahiti ua haere oia i te fenua Baratanane ia porohaere i te Evan-lia e i te 34 no no to'na matahiti ua maitihia oia ei Aposetolo no te Ekalesia a Iesu Mesia i te Feia Mo'a i te Mau Mahana Hopea Nei. E taata paari roa oia i te mau haapiiraa no te Ekalesia, e ua papai oia e 8 buka haapiiraa na te Ekalesia, e reo nehenehe roa to'na, aitate taata e fin i te faaroo i ta'na mau haapiiraa e ta'na mau a'oraa.

Teie te tahi mau toroa tei nia ia'na i teie nei. Aposetolo no te Ekalesia, Papai parau tuatapapa rahi note Ekalesia, Tauturu hoê no te Peretiteniraa no te Hiero i Roto Miti, oia te hoê no te pupu taata faatere no te mau haapiiraa no te Ekalesia, te hoê atoa no te pupu taata faatere no te 'Beneficial Life Insurance Co'' e te fare moni no Siona, (Zion Saving Bank.'')

Na roto i to'na faatereraa i te ohipa Papai Parau tuatapapa no te Ekalesia, ua tupu te reira i te rahiraa, te huru o ta'na ohipa i roto i taua toroa ra o te haapao ia i te mau rata, te mau buka, e te mau mea papai no te Ekalesia, te Haapao i te mau ohipa ravehia e te mau titi e te mau Misioni i te ao atoa uei, e te hohoa no te mau taata faatere ohipa i roto i te Ekalesia e te mau hohoa no te mau fare pureraa e te mau fare no te Ekalesia, ua ite tatou e, e ohipa rahi mau teie.

Noa'tu ra i ta'na ohipa rahi te vai ra to'na taime ia tia ia'na ia tauturu i ta'na mau tamarii no ta ratou mau haapiiraa, e te haapii ia ratou i te mau ohipa maitai, e te aratai atu ia ratou i roto i te mau hanti e au no ratou, e e riro oia mai ia ratou te huru i roto i taua hanti ra. E Metua

aroha teie taeae, na o mai ra oia e, "Na roto i te aroha e te haehaa e vi ai te mau mea atoa no teie nei ao.

"*Ta te Varua e faatupu ra, o te hinaaro ia, te oaoa, te hau, te faaoromai, te mârû, te maitai, te faaroo. Te mamahu, te hitahita ore,*" Galatia 5:22,23;

Papai hia e Leroi Marori.

Tei Mana'o Hia e, E Tupu i Muri a'e i to Te Taata Nei Pohe Raa.

Te parau nei o Pauro i roto i te Hebera 9. 27. E mai te taata nei hoi. Ua haapao hia ia hoê a'e pohe raa, ei muri a'e o te haava raa ia.

No reira. Ua mana'o hia e, i te pohe raa'tu â o te taata nei, e haava hia oia, "O tei parau hia ia e, "O te haava raa tatai hoê." E i roto i taua haava raa ra, too maha noa iho ia taata.

O Iesu, e to tatou Melahi tiaï, O Tatani, e o te taata hara, o te too maha ia. E te parau hia nei e, aita e tia i te taata hara ia huna i te hoê hara ta'na i rave. No te mea. O Tatani te pari ia'na i te hara e o te Melahi tiaï te ite, o Iesu hoi te haava. E ia oti taua haava raa ra. Ua ite papu hia e, ua hara mau taua taata ra, e tuu hia ia oia i roto i te po auahi, e o te taata parau tia ra e haere ia oia i te oaoa raa i nia i te ra'i. No roto i te irava e 27 i nia nei te tupu raa o taua mana'o ra.

Ia hiopoa maitai râ tatou, te vai ra te tahi mana'o taa ê atu, mai teie hoi te huru. E taio i te irava 25. e te irava e 26. na te reira e faataa papu mai te parau no te irava e 27.

e na te irava e 28 e haapapu mai te parau no te irava 27. O teie hoi te tia. Ua haapao hia o Iesu, hoê a'e ona pohe raa, e imuri a'e e fâ mai oia, o te haavaraa ia, oia toa te taata nei. Ua haapao hia te taata hoê a'e pohe raa, e ia fa mai o Iesu e haava hia'i oia, i te haava rahi.

Teie hoi ta te Ekalesia haapii raa i taua vahi ra. Ia pohe te taata, (aita e haava raa tatai hoê) E haere tia ra to'na varua i Parataito, e tia i te haava raa rahi, E ia tae i te tau no te Mereniuma e tia faahou te feia parau-tia, E parahi ratou i ô te Mesia mai te hau, e hoê tautani matahiti, Apokalupo 20. 4. E ia hope taua na matahiti hoê tauatini e tia faahou mai ai te feia hara, haere atu ai i to te ao atoa nei i te haava raa rahi a te Atua ra.

“No te Mereniuma” O na matahiti ia hoê tautani e parahi Arii mai ai te Mesia i te ao nei, E faaapi hia te fenua nei e faahoi hia mai to'na huru tiama, o tei rave hia tu e te Atua no te hara raa o Atamu ma.

“No te Parataito.” O te hoê ia vahi i ropu i te ora raa e te pohe raa, e ore e tia ia tatou ia hi'o atu i taua vahi ra mai to tatou tia raa tahuti nei, Ia faaore hia râ te reira, e ia ia totou ia hi'o noa'tu i taua vahi ra, a haere tia atu ai i reira. Ua mana'o hia ra e, tei nia i te ra'i Parataito, aita râ, no te mea ua itea papu hia i te ani raa a te taata i faatauro hia ra, aita raua i tae i uia i te ra'i i taua mahana ra. Ua haere tia tu râ raua i Parataito i te faaea raa o te mau varua.

Te Tuu Nei Au i Teie Nei Tumu Parau ei Feruriraa Mana'o Tumu Parau.

Tera ia te taio raa, Teie hoi te Ora mureore ia ite ratou i te Atua mau ra e ia Iesu Mesia, i ta oe i tonu mai ra. E no reira e tafa tatou i teie nei parau i tufaa e 3 tufaa matamua.

27.

Tapa'o 1. Eaha te ite i te Atua.

Tapa'o 2. Eaha te ite ia Iesu.

Tapa'o 3. Eaha te ite i te Atua e ia Iesu.

P. 1. O te faataaraa, i te Atua. E tino to'na, e mata e avae e rima e te mau melo mai to te taata nei te huru.

E hi'o tatou i te anotau tahito ia Aberahama, e to'na hui tupuna, ua haamori ratou i te mau Atua Itoro, e rave rahi atu â te mau Atua ta ratou e haamori nei, aore Aberahama i haamori i taua mau Atua ra, ua haru hia oia, e ua huri hia inia i te auahi e no to'na tiaturi e to'na haamori i to'na Atua ua tono mai te Atua ora i te hoê Melahi e ua faa-ora hia oia.

Tapao 2. Eaha te ite ia Iesu?

P. O te farii raa ia i te Mesia ei Taraehara, no te mea ua faataa hia te Mesia hou te tumu o te ao nei ei faaora no te taata, e te taata aore e faarii ia'na ei faaora e mea papû ê aore oia ite i te Mesia.

Tapa'o 3. Eaha te ite i te Atua e ia Iesu.

P. 3. O te haapa'o raa ia i te mau faaueraa ta raua i tuu mai, o te taata aore i haapa'o i te mau faaue raa, i tuu hia mai e raua, e tapa'o papû ia e, ua haavare mai te au i te parau faaite hia mai e Ioane. 1 Ioane pene 2; 3.

Teie te mea e ite ai tatou e, ua ite tatou ia'na ia haapao tatou i ta'na parau. O tei parau e, ua ite au ia'na, e aore i haapao i ta'na parau ua haavare oia, aore te parau mau i roto ia'na. Hoê â ia huru o te taata e parau e, e taata ite au i te hopû i te pârau e ia hoe o na na nia ito'na vaa i te vahi hopû raa, e aore oia i tuu i te tutau no to'na vaa, rave i hora i to'na titea e ta'na tapau hopû a tura, ei te hopea ua panu to'na vaa, ei te hopea ua pohe oia

no te aha, no te mea aore oia i haapao, i te mau ture no te vaa, e no reira e te mau taata e tai'o i teie nei parau i nia nei, a haapa'o, o te pohe noa outou i nia i to outou mau vaa.

*Papai hia e to outou taeae i te faaroo
Tufariua â Taha*

Tao'a

Ia faaroo tatou i teie nei parau oia hoi, Tao'a, e haamana'o tatou i te mau mea no teie nei ao, te ario te auro te fenua rahi, te fare nehenehe, te mau ahui maitai, te pahie te pereoo uira. E tirara te ohipa maori ra, ia parahi noa mai te ohipa ore, e ia haapao i to'na hinaaro, tera to tatou mana'o i te taata taoa, e te maua'o nei tatou e, e taata oaoa roa oia e e taata peapea ore oia, no te mea tei ia'na te mau mea maitai atoa no teie nei ao. Ia feruri maitai ra tatou i te huru mau o tetahi mau taata tao'a e ite tatou e, ua rahi roa te oaoa e te mauriuru i roto i te aau o te taata aita ta'na hoê pene i roto i to'na pute.

Te haamana'o nei au i na tamaiti e toopiti, ua fanau mai raua i roto i te hoê oire, hoê â haapiiraa ta raua i haere e ia mahiti mai raua no roto mai i te haapiiraa, ua haere te hoê, o Ioane to'na io'a, i te hitia o te râ ia imi i te faufaa no teie ao na'na, te piti, o Toma to'na io'a, ua haere oia i te tooa o te râ ia imi i te faufaa na'na, e ua itoitaito roa raua i te raveraa i te ohipa.

Ua mairi e 20 matahiti, e aita tatou i ite i to raua huru. Teie nei mahana ua hoi mai raua i to raua fenua ai'a mau, O Ioane, e taata nehenehe oia, e pereoo to'na, ua i to'na pute i te moni e te vai ra ta'na mau fenua e ta'na mau nănă e

rave rahi, e te hi'o mai nei te mau taata tei ite ia'na i te matamua e te parau mai nei ratou e, "O Ioane rahi e," e taata moni tera, e taata manuia roa tera, ahiri o vau mai ia Ioane te huru ua hope to'u oaoa, e e parau atu te mau metua i to ratou mau tamarii, ia paari oe a rave oe i te ohipa mai ia Ioane te huru, a pee oe i to'na ra haere raa no te mea e, e haereraa manuia roa ia te reira.

I te taeraa mai o Toma i roto i te oire, ua haere mai oia mai te tahi mau taata te huru, aita to'na e pereoo, te ahuhenehene roa, e te moni rahi i roto i to'na pute, e fare e e fenua to'na e ere râ mai to Ioane te huru. E ua parau te mau taata tei ite ia'na i te matamua, e taata hupehupe o Toma, e ta'na ohipa e ere i te mea manuia, aita oia i te faatere mai ia Ioane te huru. E ua parau atu ra te mau metua i to ratou mau tamarii, eiaba outou e pee atu ia Toma no te mea e ere oia i te taata itoitoe e te taata manuia, e ere to'na te haereraa maitai.

I muri mai ra ua iteahia to raua huru mau. Ua rave itoitoe Ioane i te ohipa, e ua tauturu te Atua ia'na e ua rahi ta'na faufaa, e ua haapao maite oia i te reira, aita oia i tauturu i te taata tupu tei roohia e te ati, aita oia i faaamu i te mau otare e te mau vahine ivi, na roto i ta'na imiraa i te faufaa no teie nei ao ua riro to'na aau mai te ofai te huru, aita oia i ite i te peapea a to'na mau taeae, to'na na taria ua turi ia, no te mea aita oia i faaroo i te hoê re'o o te parau e, "E mea hau a'e i te maitai ia horoa'tu i te rave mai." E teie nei ua paari teie taata o Ioane, e e mea poto to'na ora raa i roto i teie nei ao, e haere atura oia i te vahi ta'na i faanehenehe no'na iho. e ua ite tatou e ere te vahi maitai, no te mea, i roto i to'na oraraa i roto i teie nei ao aita oia i haamana'o e, e mea tia ia faatia e ia faanehenehe oia i te hoê fare i te rai, no'na, e tia. E teie nei ia faarue oia i teie nei ao e vaiho oia i ta'na tao'a e te mau mea ta'na i haaputu i roto i teie

nei ao, e haere atura i tera ao, ei taata veve, aita to'na e fare e te hoê mea i reira.

O Toma ra ua rave itoito atoa oia i te ohipa, e ua tauturu te Atua ia'na, e ua rahi te faufaa ta'na i noaa, area râ ia ite oia i to'na taata tupu tei roohia i te ati, ua horoa oia i te moui e te mau mea ei tauturu raa na'na. Ua faaamu oia i te otare e te vahine ivi, e ua haere oia na roto i teie nei ao ma te imi i te ravea ia tia ia'na ia tauturu e ia faatupu i te oaoa i roto i te aaui o to'na mau taeae. E teie nei ua poto to'na oraraa i roto i teie nei ao e e mea iti ta'na moni e ta'na faufaa i toe mai, area râ na roto i to'na haapa'o maitai raa i ta'na faufaa i roto i teie nei ao, ua noaa ia'na te hoê parahiraa maitai e te nehenehe no'na i tera ao, e ua riro teie nei mau mea ei tao'a na'na e a muri noa'tu.

Ua haere mai Iesu i roto i teie nei ao, mai te taata veve, area râ ua faatupu oia i te oaoa i roto i te taata nei. Ua faaora oia i tei pohe i te ma'i, ua faatia oia i te feia i pohe roa, e ua tamahanahana i te feia tei roohia i te ati.

Ua horoa oia i to'na ora ia tauturuhia ta'na mau tamarii, aita râ ta'na e hoê pene.

Eiaha e haapue noa i te tao'a na outou i teie nei ao, i te vahi e pau ai i te huhu e te pe, i te vahi e tomohia'i e e eiâhia'i e te eiâ; E haapue râ i te tao'a na outou i nia i te ra'i, i te vahi e ore e pau ai i te huhu e te pe, e ore hoi te eiâ e tomo i reira a eiâ ai.

Papai hia e Leroi Marori

© VĀU ?

Ua haamana'o anei outou i te poto o taua na parau rii ra? Hoê noa iho letera, e a ore ra e piti, o tei hau atu, i roto i te mau reo atoa no te faaiteraa i te

huru o te taata? E e mea pinepine roa tera mau parau rii i roto i to tatou vaha?

No te mea ua rahi roa te taime tei haamauahia i nia ia tatou iho, e mai te mea eita tatou e haapao maitai, e fiu to tatou mau hoa i te faaroora i te reira i roto i to tatou vaha.

I te mau taime atoa e no te te mau huru mea atoa: "O vau, te parau nei au... O vau, te mana'o nei au.... O vau te rave nei au. etc." A faaroo rii na outou ia outou iho ia parau; a feruri maitai na outou i nia i te faufaa o tana vau ra, i reira outou e ite ai e, e ite ana'e ia te reira no to outou teoteo.

Te hinaaro nei tatou ia faaroohia tatou, ia faaite i to tatou ite e to tatou paari, te hinaaro nei tatou ia na nia roa. Ma te hunahuna ore e ma te ani ore hia te tuu noa nei tatou ia tatou i mua, e te faaô nei tatou i te mau vahi aita ta tatou e ohtpa i reira.

Mea maitai i te taime e riro ai tuua, O vau ra, ei haamaitai no tatou iho; o te hoê ia tapao no to tatou teoteo faufaa ore. Arearâ, i te rahiraa o te mau taime? te rave nei tatou i teua parau ra, ma te mana'o ino no te faitoraa ia tatou i to tatou taata tupu. "Ahiri o vau eita ia vau i na reira;" E inaha te rû noa nei tatou i te haavâ, ma te hiopoa ore, te mau ohipa e te mau taata tei ore i ite papuhia e tatou, e te haamoe roa nei tatou e, e feruri raa e to ta tahi i to tetahi, e e mea ohie roa ia faateitei i to'na iho maitai ia oti te mau ohipa i te tupu.

E ere roa te reira huru peu i te peu aroha. Eaha te faufaa ia parau noa'tu i te parau faaino mai te mea aita ta atou e ravea no te faafaroraa e no te tautururaa?

No reira e au mau hoa here, a haamatau ana'e tatou ia tatou iho i te hiopo'a maitai ia tatou i te taime e haere mai tana na parau ra "O vau" i roto i to tatou. A haama-

na'o oioi tatou; I teihea vahi vau i hau a'e ai i to'u nei taeae, a teoteo ai au?

A rave ana'e tatou i te peu o te mau taata tei haapii i te peu maitai. Eita ratou e parau i te parau no ratou iho. E tamaru ratou i te mana'o teitei tei hau atu i te parau mau. E faarahi ratou i te mau maitai tei hinaarohia i te haamo'e e o tei orehia e hinaaro i te faaite. I te farerei pinepineraa ia ratou e noaa mai te hau o te mana'o. E anaana te oaoa na pihaiho i te reira mau taata haehaa, tei i te mana'o ia hio noa i te peu maitai o to ratou taata tupu.

Ahiri tatou e tuu nei i te hoê tautu i nia i to tatou mau utu ia ore ia parau i taua na parau ra, "O vau." eaha ia te huru o te rahi o te parau iho e te mau ohipa iho tei tupu, te ore e faautahia i nia i to tatou aau no to tatou parau raa i taua na parau iti faufaa ore ra.

Ua horoa mai te Atua i te hoê tufaa no to'na Varua ia tatou, oia hoi, to tatou varua, ia rave tatou i te ohipa tei hau roa i te maitai, e i te reira ana e maa vahiiti tatou i huru e ai i te mau animala. No reira a rave ana'e tatou i te ohipa e au no taua maitai ra, a faaitoito ana'e tatou i te haapii ia tatou iho ia haere i te pae o te maitai e te aroha.

Ia iti to tatou faahiti raa i taua na parau rii ra "O vau" te rahi ra ia to tatou haafatataraa i te parau a te Mesia tei na ô mai: "A here i to taata tupu mai to oe here ia oe iho na"

Papai hia Marcel Bonnet



PARAU FAAITE

E faatiahia te Amuiraa Atopa no te Ekalesia a Iesu Mesia i te Feia Mo'a i te Mau Mahana Hopea Nei, i Hao no te mau Fenua i nia, Takaroa no te mau fenua i raro nei, E

faa
no

mau
vahine
taua
oia no
iraa ra
pupu
Tuete.

Puruti
i oti a

hoê pea
oia hoi,
nei e, n
te mau
ati i tei
ai i te
faaite m
o te rei
paura, t

faatia-atoa-hia te Amuiraa i te oirera i Papeete,
no te fenua Tahiti, e i te fenua ra o Tubuai.

PAPAIHIA E LEROI MARORI PERETITENI NO
TE MISIONI NO TE MAU FENUA MOANA.

Te Mau Parau Api.

Ua maitihia.

I te ava'e Tiurai i mairi a'enei, ua faatiahia te hoê amuiraa no te mau Vahine no te Ao atoa nei, i te oire i Paris, Farani. Ua maitihia eiva vahine no te Hau Amerika ia hare i taua amuiraa rahi ra, e te hoê no taua na vahine e iva ra tei maitihia, o Louise Y. Robison, te Peretiteni ia oia no te mau Tuahine no te Ekalesia a Iesu Mesia nei. Ia oti taua amuiraa ra, e haere to tatou Peretiteni, o Louise Y. Robison e farerei i te mau pupu Tuahine, no te Ekalesia, i te mau Fenua Farani, Baratane, Purutia, Tuete. Peretita, Norway e o Denmark.

Ua pohe.

Ua pohe a'enei o Paul Von HINDENBURG, te Peretiteni no te Hau Purutia e e Raatira rahi oia no te nuu faehau no Purutia i te tamai rahi i oti a'enei. E 86 to'na matahiti i te taime i pohe ai oia.

E ati rahi mau.

Te faaitchia nei, i roto i te hoê ve'a no Amerika e, te tupu nei te hoê peapea rahi i te mau fenua atoa i te pae apatoerau no te Equateur, oia hoi, te tupu nei te paura i nia i taua mau fenua atoa ra. Te faaitchia nei e, no te rahi o te paura, na maro te rahiraa o te mau faaapu sitona, e te mau huru faaapu atoa i te tahi mau tufaa fenua, e te fenua tei hau i te ati i teie paura, o te fenua Amerika ia, no te mea, a tahi ra ratou i farerei ai i te veavea mai teie i haere a'enei. Aita i tia i te mau taata paari ite faaitchia mai e, eaha te tumu no teie paura, maori ra te paran mai nei ratou o te reira iho ia te huru, te vai nei te mau matahiti ua e te mau matahiti paura, tirara ra ua ati roa te mau taata faaapu i teie nei.

Ua ati mau.

Te faaite mai nei te hoê ve'a e, na roohia te taata ra o Admiral BYRD i te hoê peapea rahi, i to'na parahiraa i te poro Apatoa. Te parahi nei oia i roto i te hoê fare nainai roa, 12 avae i te roa e e 8 avae i te aano, i te vahi huru atea i te puhaparaa o to'na mau taata e aita i tia ia ratou ia haere e tii ia'na no te puai o te matai e te hiona i te mairiraa mai. No reira te parau mai nei te hoê o to'na mau hoa, hoê noa iho to'na tufaa, i roto i te hanere, ia ora oia, no te mea aita i iteahia, e to'na mau taata, to'na vahi no o te rahi te matai. Hoê noa iho ta'na ravea e toe nei no te faaiteraa e, aita oia i pohe, o te hoê ia radio nainai, e na roto i te reira e tia ia'na ia paraparau i to'na mau taata i te puhaparaa rahi tei tae i te 123 noa iho maille i te atea.

Ua rahi tei pohe.

Te faaitehia nei i roto i te vea no te 26 no Tiurai i mairi a'enai, ua pohe e 1212 taata, i te fenua Amerika, no te veavea rahi i taua fenua ra. Eaha te huru o taua veavea ra, ahiri taua huru ra i tupu i Tahiti nei, aita paha e taata faahou i teie nei.

Ua pohe roa.

I te 26 no Tiurai i mairi a'enei, ua pohe roa te taata ra o Joseph Underwood ELDREDGE, o te hoê ia mau taata matamua tei tae atu i te oire Roto Miti i te matahiti 1847. Ua fanauhia oia i te 10 no Atopa i te matahiti 1843, i te oire ra o Dennis, Mass. e ua haere mai oia, e to'na nau metua e e piti taeae, i roto i te pupu no O. A SMOOR, o tei tae i Roto Miti i te ava'e Setepa 1847, e i to'na poheraa ua tae oia i te 90 o to'na matahiti.

Ua haere rii i nia.

I te 28 no Tiurai i mairi a'enei, ua haere te taata ra o Maj. W. E. KEPNER, e na hoa e piti no'na ra i roto i te hoê opupu rahi roa tei hamanihia no te haere i nia i te vahi teitei roa i roto i te reva. I taua mahana ra ua tae ratou i te teitei ra e 57.000 avae i roto i te reva, e i reira ua hoi mai ratou i raro no te mea ua roohia ratou i te hoê peapea, oia hoi, ua motu to ratou opupu, e ua haere te gaz i rapae, no te reira ua imi ratou i te mau ravea atoa ia hoi mai ratou i raro, ahiri aita, ua tae ratou i te teitei ra e 70.000 avae.

LOUIS DROLLET Gérant

L. R. MALLORY Imprimeur.

Rue Dumont d'Urville, Orovini, Papeete, Tahiti.